



Izveštaj o provedenoj internoj evaluaciji studijskog programa Zaštita okoliša na Biotehničkom fakultetu Univerziteta u Bihaću

Klasifikacija: Eksterni, Organizacioni, Izvještaj studijskog programa

Broj: 09-2575/18

Bihać, 4.5.2018.

Na osnovu Pravilnika o metodologiji izvještavanja (broj 06-4357/10 od 30.12.2010.), Metodologije samoevaluacija (broj 06-457/11 od 7.2.2011.), Odluke Odbora za osiguranje kvaliteta na Univerzitetu u Bihaću (broj 09-8723/15 od 24.12.2015.), Odluke NNV-a Fakulteta o imenovanju Tima za samoevaluaciju studijskog programa i Uputstava Centra za osiguranje kvaliteta (broj 09-445/16 od 19.1.2016. i broj 09-724/17 od 6.2.2017.), a u skladu sa Kriterijima za akreditaciju studijskih programa u BiH, izrađen je Samoevaluacijski izvještaj studijskog programa.

Samoevaluacijski izvještaj je pored kraćeg uvoda, historijata, izjave o usklađenosti sa važećim propisima, načinu realizacije studijskog programa, novim dostignućima u relevantnim naučnim oblastima, mjestu i ulozi stručne prakse i ostalim bitnim informacijama o studijskom programu sadržavao argumentiranu samoevaluaciju obrazovnih ciljeva, ishoda učenja, specifičnih zahtjeva za oblast, usklađenosti ciljeva i sadržaja studijskog programa, usklađivanja profesionalnih i akademskih zahtjeva, prilagođavanja potrebama, radnog opterećenja, koherentnosti organizacije procesa učenja i sadržaja studijskog programa, završnog rada, kvaliteta i broja natavnog kadra, ocjenjivanja i testiranja studenata, praktične nastave, uslova za upis, uključenosti studenata u unaprijeđenja procesa učenja, promovisanja mobilnosti studenata i priznavanja ECTS bodova, konsultacija, sistema informisanja i postupaka žalbi, materijalnih resursa, sistema samoevaluacije i evaluacije i mjera za unaprijeđenja studijskog programa, uključivanja zainteresiranih strana, ostvarenih rezultata, stečenih kompetencija, kao i SWOT analizu, zaključke, skoro 20 priloga i prijedloge za izmjene i dopune studijskog programa.

Odlukom voditelja Centra za osiguranje kvaliteta i internu evaluaciju Univerziteta u Bihaću broj 09-749/17 od 7.2.2017. imenovan je Tim za evaluaciju studijskog programa Zaštita okoliša na Biotehničkom fakultetu Univerziteta u Bihaću u sastavu: Prof.dr. Enis Džanić, Mirzet Grozdanić, Mr. Enes Dedić, Doc.dr. Almira Džanić i Amira Delić. Predmet interne evaluacije je studijski program Zaštita okoliša, a provedena je na osnovu samoevaluacijskog izvještaja koji je izradio Tim za samoevaluaciju studijskog programa i usvojilo NNV Biotehničkog fakulteta.

Timu za evaluaciju studijskog programa Zaštita okoliša na Biotehničkom fakultetu Univerziteta u Bihaću su 8.3.2017. dostavljeni samoevaluacijski izvještaj, izrađen na odgovarajućem obrascu B-02 i NPP studijskog programa u elektronskom obliku. Evaluacijska posjeta je zakazana za 14.3.2017. u 9:00 i prisutni su bili Prof.dr. Ifet Šišić, Mr.sc. Sebila Rekanović, Jasmina Zulić, Prof.dr. Enis Džanić, Mirzet Grozdanić i

Mr. Enes Dedić. Evaluacijska posjeta je završena u 11:00, te je sačinjen Izvještaj (broj 09-1725/17) kojim su navedene ključne stavke evaluacije i date preporuke Odboru za osiguranje kvaliteta na Univerzitetu u Bihaću.

Odbor za osiguranje kvaliteta na Univerzitetu u Bihaću je na svojoj II redovnoj sjednici održanoj 20.2.2018. donio Odluku (broj 09-1027/18) kojom je usvojio date preporuke, a identičnu formulaciju kao prijedlog dostavio Senatu Univerziteta na razmatranje i usvajanje. Senat je na svojoj XXII redovnoj sjednici održanoj 29.3.2018. donio Odluku (broj 06-1832/18) kojom je usvojio samoevaluacijske izvještaje svakog od 23 evaluirana studijska programa i zadužio Centar za osiguranje kvaliteta da izradi ovaj eksterni izvještaj o provedenoj internoj evaluaciji studijskog programa.

Cilj ovog Izvještaja je da zainteresiranim stranama ukaže da je proces samoevaluacije i interne evaluacije ovog studijskog programa proveden. Rezultati su pravovremeno iskorišteni za unaprijeđenja studijskog programa što se najbolje argumentuje činjenicom da su odmah nakon provedene samoevaluacije predložene i usvojene izmjene i dopune studijskog programa. Pohvaljen je Tim za samoevaluaciju studijskog programa zbog uloženog truda u procesu samoevaluacije i pisanja izvještaja, Centar je zadužen da prati relevantne propise i vrši usklađivanje sistema samoevaluacije i interne evaluacije, a dekan Fakulteta da osigura veću posvećenost NNV-a u narednom procesu samoevaluacije studijskog programa. U procesu samoevaluacije i interne evaluacije studijskog programa u svim fazama su bili uključeni predstavnici akademskog i nenastavnog osoblja i studenti, odnosno slijedeća tijela i organi Univerziteta:

- Tim za samoevaluaciju studijskog programa
- Tim za osiguranje kvaliteta Fakulteta
- Dekan
- NNV Fakulteta
- Centar za osiguranje kvaliteta i internu evaluaciju Univerziteta
- Odbor za osiguranje kvaliteta na Univerzitetu u Bihaću
- Senat Univerziteta u Bihaću



Voditelj Centra

Prof. dr. Enis Džanić

Dostavljeno:

- Elektronski na web stranice Univerziteta i Fakulteta
- a/a